



Kilat no Kilat-Musan Rekolla Hotu Ona Husi Autor Krize?

Mahein Nia Lian Nú. 92, 22 Dezembru 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estados Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la reprezenta vizaun husi Ajénsia Estados Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Kontiudu sira

Kontiudu sira	2
Introdusaun	3
Metodolojia	4
Rezolusaun rekollamentu kilat no kilat-musan	4
Ezekusaun rezolusaun	6
Kilat no kilat-musan husi autor krize 2006	7
Rekomendasaun	10
Bibliografia	11



Introdusaun

Relatoriu investigasaun kilat FALINTIL-FDTL no PNTL iha tinan 2011 hato'o ona rekomendasaun lubuk ida relasiona ho kilat hirak ne'ebé sei lakon. Rekomendasaun hirak ne'e detallamente refere ba elementu balu husi eis-elementu FALINTIL-FDTL, eis-elementu PNTL, elementu PNTL ativu balu no ema sivil balu ne'ebé sei iha relasaun ho kilat hirak iha krize 2006 hodi loke investigasaun ba sira.¹

Rekomendasaun seluk husu Ministériu Defeza no Siguransa tenki hola medida adekua seluk hodi rekolla kilat hirak ne'ebé sei lakon. Fundasaun Mahein (FM) nia monitorizasaun depois tinan sira tuir mai iha periodu 2012 to'o agora. Esforsu lubuk ida husi autoridade siguransa rekolla ona kilat balu no kilat ilegal seluk husi comunidade no pesoal siguransa seluk.²

Nune'e sei iha mos preokupasaun husi comunidade kona-bá kilat ilegal no kilat seluk ne'ebé sei espalla iha komuidade. Governu hasai ona medida ho rezolusaun ida hodi estabelese periodu foun atu rekolla kilat, kilat-musan, esplozivu no fardamentu. Iha ne'ebé Konsellu Ministru fo sai ona iha loron 22 fulan Agustu tinan 2014.³

Maibe limite husi data ne'ebé temi iha rezolusaun ne'e liu tiha ona. Iha ne'ebé tuir rezolusaun nian hatete estabementu periodu foun ba rekollamentu kilat, kilat-musan, esplozivu no fardamentu to'o loron 31 fulan Outobru tinan 2014. FM nia monitorizasaun la iha vontade diak husi pesoal siguransa balu, comunidade no autoridade ne'ebé mensiona iha rezolusaun ne'e, lahatudu kooperasaun diak hodi entrega.

Premeiru Ministru nu'udar mos Ministru Defeza no Siguransa ho alerta foun seluk hodi aviza ba veteranus, elementu FALINTIL-FDTL, PNTL no comunidade tomak hodi entrega sasan kro'at funu nian. Alerta ida ne'e hanesan ultimatú ida, iha ne'ebé tenki entrega antes loron 31 fulan Dezembru tinan 2014. Nune'e ema ne'ebé entrega voluntariu sei la prosesa tuir lei.⁴

¹ Relatoriu Final Servisu Komisaun Investigasaun Armas F-FDTL ho PNTL, Husi Minstériu Defeza no Siguransa iha tinan 2011.

² Relatoriu autoridade siguransa relasiona ho kilat hirak ne'ebé rekolla iha periodu 2012 to'o 2014.

³ Prezidencia Konsellu Ministru. Komunikadu Imprensa: Sorumutuk Estrordináriu Konsellu Ministru nian iha loron 22 fulan Agostu tinan 2014

⁴ Xanana Aviza Veteranus Labele Rai Tan Sasan Kroat. Disponivel iha: <http://www.diariutimorpost.tl/berita-1265-xanana-aviza-veteranus-labele-rai-tan-sasan-kroat.html>. Asesu iha loron 4 Dezembru 2014.



Ho nune'e relatoriu ida ne'e nia fokus analiza sei ko'alia kona-bá medida sira buka tuir kilat ne'ebé sei lakon, kilat-musan, fardamentu iha periodu foun seluk ne'ebé alerta husi Premeiru Ministru no Ministru Defeza no Siguransa.

Metodolojia

Metodolojia ne'ebé adopta iha relatoriu ne'e maka monitorizasaun FM nian. Iha ne'ebé toka ba implementasaun rezolusaun ne'ebé Governu hasai no faktus sira ne'ebé autoridade siguransa sira rekolla hanesan kilat-musan, fardamentu no involvimentu pesoal siguransa balu aseguira kilat-musan balu husi krize 2006 nian. Análiza hodi konklui relatoriu ida ne'e liu husi metodu ne'ebé FM adopta maka *Security Sector Discussion (SSD)*.

Rezolusaun rekollamentu kilat no kilat-musan

Konsellu Ministru hasai ona rezolusaun iha loron 22 fulan Agustu tinan 2014. Iha ne'ebé estabeselese período foun ida, atu rekolla kilat, kilat-musan, esplozivu no fardamentu, atu sidadaun no entidade sira ne'ebé seidak kumpre bele ba entrega ona materiál ilegal hirak ne'ebé sira sei uza hela no kolabora ba manutensaun estabilidade polítika no sosiál ne'ebé agora iha.

Tanba Governu maka iha kompeténsia atu foti medida hirak ne'ebé presiza ba garantia, promosaun no gozu direitu no liberdade fundamentál sira sidadaun sira nian, no mós atu aseguira orden públika no disciplina sosiál, no tuir rezultadu hirak ne'ebé hetan ona iha tempu kotuk ho kampaña nasional rekolla kilat, Governu hakotu hodi estabeselese período foun ida atu rekolla kilat, kilat-musan, esplozivu no fardamentu, ne'ebé sei remata iha loron 31 fulan Outubru tinan 2014.⁵

Rezolusaun Governu Nu. 24 /2014 de 1 de Setembru. Kona-bá rekollamentu kilat, kilat-musan, esplozivu no fardamentu.

RESOLUÇÃO DO GOVERNO N.º 24 /2014 de 1 de Setembro Sobre a Recolha de Armas, Munições, Explosivos e Fardamento

Cabendo ao Governo tomar as medidas necessárias para a garantia, promoção e gozo dos direitos e liberdades fundamentais de todos os cidadãos, bem como assegurar a ordem pública e a disciplina social, pilares básicos para a manutenção da normalidade constitucional e sentimento de segurança das populações;

Perante os resultados conseguidos no passado com as campanhas nacionais de recolha de armas, no sentido de levar os cidadãos a entregarem as armas, munições, explosivos e fardamento adquiridos durante a Guerra da Resistência bem como os adquiridos ilegalmente depois da mesma;

Tendo o Governo sido confrontado recentemente com o ressurgimento de grupos para-militares,

⁵ Prezidensia Konsellu Ministru. Komunikadu Imprensa: Sorumutuk Estrordináriu Konsellu Ministru nian iha loron 22 fulan Agostu tinan 2014



levando inclusive, o Parlamento Nacional a repudiar tentativas de instabilidade e ameaças ao Estado de Direito provenientes daqueles através da sua Resolução n°4/2014;

O Governo decidiu estabelecer novo período para a recolha de armas, munições, explosivos e fardamento, de modo a que os cidadãos ou entidades ainda em incumprimento avancem com a entrega de material ilegal na sua posse e colaborem na manutenção da actual estabilidade política e social.

Assim,

O Governo resolve, nos termos da alínea c) do n.º 1 do artigo 115º da Constituição da República, o seguinte:

Todas as pessoas que tenham na sua posse armas, munições, explosivos e fardamento, devem colaborar na sua entrega voluntária, junto das sedes distritais da PNTL;

A PNTL, como entidade responsável pela recolha desse material, compromete-se a assinar um acto de entrega;

A PNTL, como entidade responsável pela recolha desse material, não pode punir ou criminalizar quem, neste prazo, procede à entrega voluntária de armas, munições, explosivos e fardamento;

O prazo de entrega é fixado até dia 31 de Outubro de 2014;

Esta Resolução deve ser distribuída pelos grupos da Organização da Resistência, nomeadamente os responsáveis das Regiões I, II, III e IV, Comando da PNTL e Comando da F-FDTL, para a devida circulação;

A presente Resolução entra em vigor no dia seguinte ao da sua publicação.

Aprovado em Conselho de Ministros, em sessão extraordinária, de 22 de Agosto de 2014.

Publique-se.

O Primeiro-Ministro,

Kay Rala Xanana Gusmão

Ezekusan rezolusaun ida ne'e to'o loron 31 Outobru 2014, Premeiru Ministru nu'udar mos Ministru Defeza no Siguransa Xanana Gusmão avizu tan ba veteranus, elementu PNTL no FALINTIL-FDTL atu entrega no labele rai tan sasan kro'at funu nian hanesan kilat no munisoens ba Estadu to'o loron 31 Dezembru 2014.

“Ha'u husu ba rejiaun hotu-hotu, to'o dia 31 de Dezembru agora hotu-hotu tenki intrega fila hotu ona sasán funu nian hanesan kilat, kilat-musan, granada maka tiru la lian mós tenki intrega hotu mai. Nune'e mos FALINTIL - FDTL ho Polísia Nasionál Timor-Leste (PNTL) fali maka kaer sasán kro'at antigu sira ne'e tenki intrega hotu ona mai Estadu atu tau iha muzeu. Razaun halo rekollamentu ba sasán antigu funu nian sira ne'e para Estadu bele rejistu hodi nune'e parte Estadu fásil atu bele halo kontrolu ba sasán hirak ne'e labele hatauk tan povu no ema ne'ebé



voluntariamente hatama sasán kro'at, Estadu sei la prosesa tuir lei."⁶

FM nia monitorizasaun ba aviza ne'e, maske dadaun ne'e ezekuta hela husi autoridade siguransa. Maibe aviza ida ne'e la ho eskrita no verbalmente liu husi media nasional. FM fiar katak to'o tinan rohan tuir data ne'ebé determina ona sei la ezekuta diak husi autoridade siguransa. Portantu kualker aviza nu'udar kontinuasaun husi mandatu rezolusaun ne'ebé hasai ona tenki eskrita ho nune'e bele forte no enkamina kedas ba autoridade relevante hodi ezekuta.

Buat ironiku ida ne'ebé husi FM nia monitorizasaun hetan katak pela kontrariu husi rezolusaun ne'e nia haruka. Iha ne'ebé pesoal balu husi PNTL asegura hela kilat-musan no farda militar FALINTIL-FDTL nian iha ninia uma. Maske hatur iha rezolusaun ne'e rasik katak PNTL hanesan entidade responsavel hodi rekolla material sira ne'e, sei la kastigu ka kriminaliza ba ema ne'ebé entrega voluntariamente kilat, kilat-musan, esplozivu no fardamentu to'o prazu entrega loron 31 fulan Outobru tinan 2014.⁷

Ezekusaun rezolusaun

Iha loron 06 Dezembru 2014, autoridade seguransa rekolla munisoens pistola nian hamutuk 500, munisoens AK-33 no Steyr nian hamutuk 986 inklui farda FALINTIL-FDTL nian, iha Sarjentu Polisia ida nia ho inisial V. de A. M. nia uma (*Ex. Pemancar TVRI*), Lahane Osidental – Dili.⁸ Sarjentu Polisia V. de A. M. nu'udar elementu polisia ativu no dadaun ne'e hakna'ar-an iha Quartel Jeral PNTL, Departamentu Lojistika, Seksaun Fardamentu nian.

Sarjentu Polisia V. de A. M. nu'udar mos fen husi eis-elementu PNTL Abilio Masquita. Relatoriu Komisaun Inkéritu Espesial Independente Nasoins Unidas nian ba Timor-Leste iha tinan 2006 hato'o Abilio Masquita hanesan autor prinsipal ida iha krize tinan 2006.⁹

Relasiona ho farda FALINTIL-FDTL no kilat-musan hirak ne'ebé temi iha leten, Sarjentu Polisia V. de A. M hato'o katak:

"Munisoens ho farda FALINTIL-FDTL hau nia la'en Abilio Masquita maka lori mai tau iha uma. Nune'e hau nu'udar nia fen tenki rai diak. Kilat-musan hakoi subar depois hau hetan foti rai diak no farda hau haloot rai iha armariu. Munisoesn hirak ne'e Abilio lori mai desde krize 2006 no farda F-FDTL nian Abilio lori mai uma entre tinan 2008 – 2009.

⁶ Xanana Aviza Veteranus Labele Rai Tan Sasan Kro'at. Disponivel iha: <http://www.diariutimorpost.tl/berita-1265-xanana-aviza-veteranus-labele-rai-tan-sasan-kroat.html>.

Asesu iha loron 4 Dezembru 2014.

⁷ RESOLUÇÃO DO GOVERNO N.º 24 /2014 de 1 de Setembro. Sobre a Recolha de Armas, Munições, Explosivos e Fardamento.

⁸ Monitorizasaun Fundasaun Mahein (FM) nian ba rekollamentu kilat-musan no farda FALINTIL-FDTL nian wainhira autoridade siguransa kaptura iha rezidencia Sarjentu V. de A. M.

⁹ Relatoriu Komisaun Inkéritu Espesial Independente Nasoins Unidas nian ba Timor-Leste. Genebra, 2 Outobru 2006.



Tuir buat ne'ebé Abilio hatete mai hau katak kilat-musan husi tempu krize 2006 nian. Tanbasa nia la entrega hau lahatene no hau lahatene farda FALINTIL-FDTL nian foti husi ne'ebé. Maske ami rua fen-la'en, idak-idak nia segredu.”¹⁰

Maske Sarjentu Polisia ne'e deklar ba autoridade siguransa, munisoens pistola nian, kilat-musan AK33 no Steyr inklui farda FALINTIL-FDTL la'os ninia. Maibe Sarjentu polisia ne'e rasik kontinua aseguara ka subar sasan hirak ne'ebé Governu hasai ona rezolusaun hodi entrega. Portantu rezolusaun Governu nian kona-bá rekollamentu kilat, kilat-musan, granada no sasan kro'at seluk inklui farda militar. PNTL hanesan entidade ne'ebé responsavel hodi rekolla.¹¹

Nune'e mos deskreve mos iha Estatutu Organika no Regulamentu Disiplina PNTL deskreve elementu hotu-hotu iha dever atu kumpri kompetensia sira ne'ebé hatur iha Organika PNTL nian¹² no halo los deit interese públiku nian, ho buat ne'ebé maka lei no orgaun kompetente defende ona.¹³

Signifika katak ho konsientemente la iha kooperasaun diak husi Sarjentu Polisia V. de A. M. ho ordem rezolusan nian haruka. Nune'e mos viola lei no regulamentu seluk ne'ebé hatur ona iha Estatutu Organika no Regulamentu Disiplinar PNTL nian.

FM nia deskonfia kilat-musan hirak ne'ebé Sarjentu V. de A. M. subar, possibilidade boot bele utiliza sala iha asaun seluk fora husi oras serbisu nian. Iha ne'ebé dadaun ne'e públiku preokupa kona-bá utilizasaun kilat iha sosiedade nia leet.

Posibilidade seluk, FM nia deskonfia Sarjentu Polisia ne'e rasik nu'udar mos elementu importante ida iha Departamentu Lojstika PNTL bele foti husi munisoens sira husi PNTL nian. Maske nian deklar ba autoridade siguransa sira katak kilat musan hirak ne'e nia la'en Abilio Masquita maka lori ba uma iha krize tinan 2006 nian.

Preokupasaun seluk, enkuantu iha kilat-musan, munisoens pistola nian bele iha mos kilat nia isin lolon. Tanba ne'e maka kilat-musan hirak ne'e nian kontinua subar. Portantu kilat boot no pistola balu husi krize tinan 2006 nian to'o agora seidak rekolla hotu.

Kilat no kilat-musan husi autor krize 2006

Hanesan deskreve tiha ona iha sesaun leten relatoriu ida ne'e nian. Kilat-musan no farda FALINTIL-FDTL relasaun forte ho eis-elementu PNTL Abilio Masquita. Portantu

¹⁰ Monitorizasaun Fundasaun Mahein (FM) nian ba rekollamentu kilat-musan no farda FALINTIL-FDTL nian wainhira autoridade siguransa rekolla iha rezidencia Sarjentu V. de A. M. Iha ne'ebé Sarjentu V. de A. M. esplika ba autoridade siguransa sira iha loron 6 fulan Dezembru tinan 2014.

¹¹ RESOLUÇÃO DO GOVERNO N.º 24 /2014 de 1 de Setembro. Sobre a Recolha de Armas, Munições, Explosivos e Fardamento.

¹² Dekretu - Lei n.º 09/2009, Loron 18 fulan Feveireiru. LEI ORGANIKA POLÍCIA NASIONAL TIMOR-LESTE (PNTL). Artigu 2.

¹³ Decreto - Lei n.º 13/2004 De 16 de Junho. REGULAMENTO DISCIPLINAR DA POLÍCIA NACIONAL DE TIMORLESTE.

Masquita hanesan autor importante ida iha krize tinan 2006 hanesan relata tiha ona iha Relatoriu Komisaun Inkéritu Espesial Independente Nasoins Unidas nian ba Timor-Leste iha tinan 2006.

Relatoriu Komisaun Inkeritu hare'e ho preokupasaun katak laiha kontrolu sistematiku kona-bá kilat no kilat-musan PNTL nian iha krize tinan 2006 nian. Komandante Jeral PNTL hasai kilat husi Depozitu Nasional PNTL nian la iha kuiñesimentu husi ofisial depozitu kilat nian. Iha loron 23 Marsu, kilat Steyr 60 no kilat musan kaixa 50 haruka ba Unidade Reserva Polisia (URP) iha Aileu. Iha loron 15 Abril, haruka kilat Steyr 10 ho kilat musan ba estasaun polisia Liquiça nian. Hafoin insidente 25 Maiu, nia haruka kilat Steyr 10 ho kilat-musan atu rai iha estasaun polisia Gleno nian.¹⁴

Relatoriu komisaun mos hare'e ho preokupasaun, ba desizaun hodi fahe kilat seletivu ba ofisial PNTL ne'ebé iha Komandu Adjuntu Komandante Distritu Dili Abilio Mesquita nia okos, ne'ebé iha loron 11 Maiu fo treinu uza kilat ba ofisial PNTL na'in 10 husi *Task Force* Distritu Dili nian. Tuir mai, ofisial sira ne'e kontinua iha ninia komandu no ka'er kilat Steyr. Iha tan ofisial PNTL na'in 20 ne'ebé komandante Mesquita fo kilat Steyr iha loron 17 Maiu, no tuir mai tama iha ninia komandu. Treinu no fahe kilat ba ofisial PNTL sira ne'e, hala'o ho autorizasaun Komandante Jeral PNTL nian.¹⁵

Nune'e iha loron 11 no loron 21 Maiu 2006 grupu PNTL ida ne'ebé lidera husi Komandante Adjuntu Distritu Dili Abilio Mesquita lori kilat Steyr sira. Hafoin foti kilat husi membru PNTL ho etnisidade lorosa'e ne'ebé serbisu iha Unidade Patrullamentu Fronteira (UPF) - PNTL.¹⁶ Iha loron 24 Maiu 2006 atake ba Komandante FALINTIL-FDTL Brigadeiru Jeneral Ruak husi ofisial PNTL na'in 10, ne'ebé lidera husi Komandante Adjuntu PNTL Abilio Mesquita no deputadu Leandro Isaac. Ema na'in ida mate no ema na'in rua hetan kanek.¹⁷

Rekomendasaun komisaun inkeritu nian ho evidensia estabelese katak, ema mane armadu ne'ebé Komandante Abilio Mesquita komanda, sira maka hahu ataka iha Brigadeiru Jeneral Ruak nia uma iha loron 24 Maiu tinan 2006. Komisaun rekomena katak tenke foti prosesu tribunal hasoru ema sira ne'e.¹⁸

Eis Adjuntu Komandante PNTL, Abilio Mesquita no arguidu na'in-tolu hetan akuzasaun kona-ba omisídiu, na'ok sasán no uza kilat relasiona ho atake armadu ba uma

¹⁴ Relatoriu Komisaun Inkéritu Espesial Independente Nasoins Unidas nian ba Timor-Leste. Genebra, 2 Outubru 2006.

¹⁵ Relatoriu Komisaun Inkéritu Espesial Independente Nasoins Unidas nian ba Timor-Leste. Genebra, 2 Outubru 2006.

¹⁶ Rezeña istória kona-ba disponibilidade kilat ki'ik sira-nian no kontrolu kilat iha Timor-Leste. disponivel iha: <http://www.timor-leste-violence.org/pdfs/Timor-Leste-Violence-IB1-TETUM.pdf>. Asesu iha loron 9 Dezembru 2014.

¹⁷ Grupus sira, gang sira no violénsia armada iha Timor-Leste. Disponivel iha: <http://www.timor-leste-violence.org/pdfs/Timor-Leste-Violence-IB2-TETUN.pdf>. Asesu iha loron 9 Dezembru 2014.

¹⁸ Relatoriu Komisaun Inkéritu Espesial Independente Nasoins Unidas nian ba Timor-Leste. Genebra, 2 Outubru 2006.

Komandante FALINTIL-FDTL Taur Matan Ruak iha 24 – 25 Maiu 2006. Iha 13 Marsu 2008, Abilio Mesquita hetan liberdade husi kazu omisídiu maibé hetan fali sentensa prizaun tinan tolu no fulan tolu tanba na'ok sasán no uza kilat ho intensaun atu provoka dezorden públiku. Ninia arguidu na'in-tolu hetan sentensa prizaun tinan ida no fulan neen tanba iha intensaun atu provoka dezorden públiku. Abilio Mesquita hetan demisaun husi PNTL tanba nia la rejista fali ba prosesu sertifikasaun.¹⁹

Iha 18 Juñu 2010, Tribunál Distritál Dili halo desizaun iha julgamentu foun ba eis-komandante PNTL nian iha Distritu Liquica, Abilio Mesquita, no ema na'in tolu tan, tanba asaltu ba Komandante Jerál F-FDTL Taur Matan Ruak nia uma iha 24 to'o 25 Maiu 2006. Ne'e julgamentu ba datolu kona-ba kazu ida-ne'e, hafoin Tribunál Rekursus fó orden atu halo hikas julgamentu iha instánsia rua tanba sala iha bankada nia komposizaun no sala iha prosesu seluk tan. Tribunál absolve tiha akuzadu na'in haat tanba laiha evidénsia.²⁰ La to'o de'it tinan ida, Mesquita, ne'ebé hetan demisaun husi PNTL, envolve iha insidente foun ida. Iha 23 Marsu 2011, nia apresenta an iha polisia atu prende no akuza nia kona-bá oho mane ida iha Distritu Likisá.²¹

Masquita ne'ebé dadaun kumpri hela iha prizaun tanba kazu oho mane ida iha Distritu Likisia. Iha loron 6 fulan Dezembru tinan 2014 autoridade siguransa kaptura ka rekolla kilat musan lubuk ida iha nia rezidensia Lahane Osidente (ex-Pemancar TVRI) hamutuk munisoens pistola nian 500, kilat-musan AK33 no Steyr nia hamutuk 986 ho farda FALINTIL-FDTL nian ida. Iha ne'ebé asegura ka subar husi nia fen. Tuir deklarasaun ne'ebé hato'o husi nia fen Sarjentu Polisia V. de A. M. hato'o katak kilat-musan Masquita lori ba uma desde krize tinan 2006 no farda FALINTIL-FDTL nian entre tinan 2008 no 2009.

Kilat-musan hirak ne'ebé temi iha sesaun dahuluk relasaun forte ho krize 2006. Portantu deklarasaun Sarjentu Polisia V. de A. M hato'o katak kilat-musan hirak nian la'en Abilio Masquita lori ba sira nia uma desde krize 2006. Hanesan ita hotu akompañia Abilio Masquita autor prinsipal ida iha krize tinan 2006.²² Iha ne'ebé hetan akuzasaun kona-bá na'ok kilat no uza kilat ho intensaun atu provoka dezorden públiku inklui kazu omesidu.²³

¹⁹ Relatóriu kona-ba Progresu Direitus Umanus iha Timor-Leste: 1 Jullu 2008 to'o 30 Juñu 2009. Disponivel iha: http://www.ohchr.org/Documents/Countries/UNMIT01072008_300609_tetun.pdf. Asesu iha loron 9 Dezembru 2014.

²⁰ Relatóriu Periódiku kona-ba Dezenvolvimentu Direitus Umanus nian iha Timor-Leste: 1 Jullu 2009 – 30 Juñu 2010. Disponivel iha: http://www.ohchr.org/Documents/Countries/PeriodicReportHRDevelopmentsJuly09-June10_Tetum.pdf. Asesu iha loron 9 Dezembru 2014.

²¹ Relatóriu Periódiku kona-ba Direitus Umanus iha Timor-Leste 1 Jullu 2010-31 Dezembru 2011. Disponivel iha: <http://unmit.unmissions.org/LinkClick.aspx?fileticket=v-BfLksoxls%3D&tabid=12032&language=en-US>. Asesu iha loron 9 Dezembru 2014

²² RESOLUÇÃO DO GOVERNO N.º 24 /2014 de 1 de Setembro. Sobre a Recolha de Armas, Munições, Explosivos e Fardamento.

²³ Relatóriu kona-ba Progresu Direitus Umanus iha Timor-Leste: 1 Jullu 2008 to'o 30 Juñu 2009. Disponivel iha: http://www.ohchr.org/Documents/Countries/UNMIT01072008_300609_tetun.pdf. Asesu iha loron 9 Dezembru 2014.



FM duvida mos fontes farda FALINTIL-FDTL nian husi ne'ebé ka se maka fo? Ka Abilio Masquita involve mos iha operasaun konjunta iha tinan 2008 hodi hetan farda FALINTIL-FDTL nian. Maibe Abilio Masquita la'os elementu FALINTIL-FDTL. FM nia deskonfia farda ne'e possibilidade mai husi elementu FALINTIL-FDTL balu iha ne'ebé relasaun forte ho Abilio Masquita. Iha lidun seluk farda FALINTIL-FDTL nian bele na'ok. Hanesan akuzasaun ne'ebé hasoru nian depois krize tinan 2006 na'ok kilat, possibilidade bele na'ok mos farda FALINTIL-FDTL nian.

Rekomendasaun

Kilat, kilat-musan, esplozivu no fardamentu militar nian ne'ebé dadaun ne'e sei problematiku hela. Nu'udar frakeza ida husi implementasaun avizu, rezolusaun no kriasaun komisaun investigasaun barak ona. Maibe la implementa diak rezolusaun sira ne'e no rekomendasaun sira husi investigasaun nian.

Ida ne'e nu'udar espasu ida kontinua fo fatin ba ema hodi subar ka aseguara. Nune'e buat ironiku ida husi relatoriu ida ne'e nian elementu PNTL balu kontinua subar maske pesoal ne'e rasik konsiente sasan hirak ne'e ilegal no hetan ordem ona hodi rekolla no entrega ba Estadu.

1. Rekomenda ba Ministériu Defeza no Siguransa, FALINTIL-FDTL no PNTL kontinua halo investigasaun ba eis-Petisionariu sira, eis-FALINTIL, sivil armadu sira iha krize tinan 2006. Nune'e mos ba elementu PNTL no FALINTIL-FDTL ativu sira ne'ebé relasaun forte ho kilat no kilat-musan sira iha krize tinan 2006 nian, ikus liu ba Abilio Masquita. Revista ba eis FALINTIL, eis-polisia no eis-FALINTIL-FDTL ida ne'e nu'udar parte ida kontrolu kilat.
2. Rekomenda ba Ministériu Defeza no Siguransa ho Komandu FALINTIL-FDTL halo investigasaun ba fontes farda ne'ebé aseguara hela iha Abilio Masquita nia rezidensia husi nia fen Sarjentu Polisia ho inisial V. de A. M.
3. Rekomenda ba Komandu Jeral PNTL, loke investigasaun ba Sarjentu Polisia ho inisial V. de A. M. iha ne'ebé aseguara kilat musan no farda FALINTIL-FDTL nian hodi prosesu tuir lei no regulamentu.



Bibliografia

- Dekretu - Lei n.º 09/2009, Loron 18 fulan Feveireiru. LEI ORGANIKA POLÍCIA NASIONAL TIMOR-LESTE (PNTL).
- Decreto - Lei n.º 13/2004 De 16 de Junho. REGULAMENTO DISCIPLINAR DA POLÍCIA NACIONAL DE TIMOR-LESTE.
- Grupu sira, gang sira no violénsia armada iha Timor-Leste. Disponivel iha: <http://www.timor-leste-violence.org/pdfs/Timor-Leste-Violence-IB2-TETUN.pdf>. Asesu iha loron 9 Dezembru 2014.
- Prezidencia Konsellu Ministru. Komunikadu Imprensa: Sorumutuk Estraordináriu Konsellu Ministru nian iha loron 22 fulan Agostu tinan 2014
- Relatoriu Final Servisu Komisaun Investigasaun Armas FALINTIL-FDTL ho PNTL, Husi Ministériu Defeza no Siguransa iha tinan 2011.
- Relatóriu kona-ba Progresu Direitus Umanus iha Timor-Leste: 1 Jullu 2008 to'o 30 Juñu 2009. Disponivel iha: http://www.ohchr.org/Documents/Countries/UNMIT01072008_300609_tetun.pdf. Asesu iha loron 9 Dezembru 2014.
- Relatóriu Periódiku kona-ba Dezenvolvimentu Direitus Umanus nian iha Timor-Leste: 1 Jullu 2009 – 30 Juñu 2010. Disponivel iha: http://www.ohchr.org/Documents/Countries/PeriodicReportHRDevelopmentsJuly09-June10_Tetum.pdf. Asesu iha loron 9 Dezembru 2014.
- Relatóriu kona-ba Dezenvolvimentu Direitus Umanus nian iha Timor-Leste. Disponivel iha: <http://unmit.unmissions.org/Portals/UNMIT/Newsletters/Human%20Rights%20Report%20Tetum%20010908.pdf>. Asesu iha loron 9 Dezembru 2014.
- Relatoriu Komisaun Inkéritu Espesial Independente Nasoins Unidas nian ba Timor-Leste. Genebra, 2 Outubru 2006.
- Relatóriu Periódiku kona-ba Direitus Umanus iha Timor-Leste 1 Jullu 2010-31 Dezembru 2011. Disponivel iha: <http://unmit.unmissions.org/LinkClick.aspx?fileticket=v-BfLksoxls%3D&tabid=12032&language=en-US>. Asesu iha loron 9 Dezembru 2014.
- RESOLUÇÃO DO GOVERNO N.º 24 /2014 de 1 de Setembro. Sobre a Recolha de Armas, Munições, Explosivos e Fardamento.
- Rezeña istórica kona-ba disponibilidade kilat ki'ik sira-nian no kontrolu kilat iha Timor-Leste. disponivel iha: <http://www.timor-leste-violence.org/pdfs/Timor-Leste-Violence-IB1-TETUM.pdf>. Asesu iha loron 9 Dezembru 2014.
- Xanana Aviza Veteranus Labele Rai Tan Sasan Kroat. Disponivel iha: <http://www.diariutimorpost.tl/berita-1265-xanana-aviza-veteranus-labele-rai-tan-sasan-kroat.html>. Asesu iha loron 4 Dezembru 2014.